

ვანის მუნიციპალიტეტის საკრებულოს რიგითი
სხდომის ოქმი N 5

ქ. ვანი, თავისუფლების ქ. N65

15.05.2024 წელი

ვანის მუნიციპალიტეტის საკრებულოს სხდომას თავმჯდომარეობდა საკრებულოს თავმჯდომარე - **ალექსანდრე ლილუაშვილი**.

სხდომას ესწრებოდა საკრებულოს 18 წევრი: ალექსანდრე ლილუაშვილი, გიორგი ივანიაძე, შოთა გიორგაძე, გელა ვარდოსანიძე, ვლადიმერ ჭვალაძე, რამაზ არველაძე, გელა ჩიკვაძე, ბიჭიკო პაიკიძე, ლია დიასამიძე, სანდრო ხურციძე, ლანა გოგოძე, ილია დვალიშვილი, გიორგი ტყემელაშვილი, ივანე კორძაძე, შალვა ლორთქიფანიძე, თეონა ადეიშვილი, ეთერი ჭიჭინაძე, თამარ შენგელია.

სხდომის დაწყებამდე საკრებულოს ფრაქცია „ერთიანი ნაციონალურმა მოძრაობის“ თავმჯდომარის მოადგილემ **ალექსანდრე მჟავანაძემ** გააკეთა ზეპირი განცხადება, რომ მისი ფრაქცია სრული შემადგენლობით (გრიგოლ მატარაძე, ალექსანდრე მჟავანაძე, თორნიკე ერისთავი, დავით კაკაბაძე, ლიზა ტყემელაშვილი და ნატო დვალი) ბოიკოტს უცხადებს საკრებულოს მუშაობას და არ დაესწრებიან საკრებულო სხდომას.

სხდომას საპატიო მიზეზით ასევე არ ესწრებოდნენ საკრებულოს წევრები: დავით ხარძეიშვილი, გრიგოლ მატარაძე, გელა ღვიტიძე, კობა ტოხვაძე, მაკა ზარნაძე და მალხაზ ცერცვაძე.

(დანართი: N1)

სხდომას ასევე ესწრებოდნენ:

საკრებულოს აპარატის უფროსი-**ტარიელ ბარამიძე**.

საკრებულოს აპარატის იურიდიულ და საორგანიზაციო საკითხთა განყოფილების უფროსი - **ლუიზა ჯოგლიძე**.

საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე საორგანიზაციო საკითხებში - **ლუბა გოგოძე**.

მოწვეული სტუმრები:

ვანის მუნიციპალიტეტის მერიის სივრცითი მოწყობის, ინფრასტრუქტურის და არქიტექტურის სამსახურის უფროსი - მამუკა ნამიჭიშვილი.

სხდომის თავმჯდომარე ალექსანდრე ლილუაშვილი საკრებულოს ღია სხდომას 14⁰⁰ საათზე გახსნილად აცხადებს .

სხდომის თავმჯდომარემ სხდომას გააცნო დღის წესრიგის პროექტი:

დღის წესრიგი

1. „ვანის მუნიციპალიტეტში სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 2024 წლის 14 თებერვლის გ-65.65240452 განკარგულებაში ცვლილების შეტანის შესახებ;

მომხს: *მამუკა ნამიჭიშვილი*

2. „ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, უფლებამოსილების განხორციელებასთან დაკავშირებული ხარჯების ანაზღაურების შესახებ;

მომხს: *გელა ჩიკვაძე*

წარმოდგენილი დღის წესრიგის პროექტისადმი შენიშვნები არ გამოთქმულა. ჩატარდა ღია კენჭისყრა:

მომხრე - 18

წინააღმდეგი - არცერთი

დაადგინეს: დღის წესრიგი მიღებულ იქნა წარმოდგენილი სახით.

მოისმინეს :

დღის წესრიგით გათვალისწინებულ პირველ საკითხთან დაკავშირებით მომხსენებელმა მამუკა ნამიჭიშვილმა წარმოადგინა „ვანის მუნიციპალიტეტში სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 2024 წლის 14 თებერვლის გ-65.65240452 განკარგულებაში ცვლილების შეტანის შესახებ;

მომხსენებელმა აღნიშნა, რომ სოფლის მხარდაჭერის პროგრამის ფარგლებში მოსახლეობის ჩართულობით სოფელ დიხაშხოში და სოფ. ისრითში შერჩეულ პროექტებში კანონით გათვალისწინებული პირობის შესაბამისად მოთხოვნილია ცვლილებების შეტანა.

1. სოფ. დიხაშხოში შემოღობვის პროექტით უნდა განხორციელდეს შემოღობვის 2 პროექტი-სასაფლაოს-10 000 ლარი და საბავშვო ბაღის მიმდებარედ-8000 ლ. აღნიშნული პროექტებიდან ამოღებულია-საბავშვო ბაღის მიმდებარე ტერიტორიის შემოღობვა-8000 ლ. თანხა 8 000 ლარით შერჩეულია ახალი პროექტი „ვაშლარას უბნის სასაფლაოს ეზოს მოწყობა და აღნიშნულისთვის მასალების შეძენა.

2. სოფ. დიხაშხოში უნდა განხორციელდეს „საავტომობილო გზაზე ბოგირის მოწყობა ქალის მიმართულებით 2 000 ლარი. აღნიშნული პროექტი ამოღებულია პროგრამიდან და თანხა 2 000 ლარი დაემატა ზემო პუნქტში ჩაწერილ სასაფლაოს შემოღობვას და პროექტის ღირებულება 10 000 ლარის ნაცვლად გახდა 12 000 ლარი.

3. სოფ. ისრითში უნდა განხორციელდეს პროექტი-„საცალფეხო ხიდის მოწყობა გაბუნების უბანში“ ღირებულებით 6800 ლარი. აღნიშნული პროექტი ამოღებულია პროგრამიდან. თანხა 6 800 ლარი დაემატა არსებულ პროექტს - „სკოლის უბანში წყაროს კეთილმოწყობა“ პროექტის ღირებულება 9000 ლარის ნაცვლად გახდა 15800 ლარი. აღნიშნულის შედეგად წარმოდგენილია საკითხი ვანის მუნიციპალიტეტის საკრებულოს 2024 წლის 14 თებერვლის გ-65. 65240452 განკარგულებაში ცვლილების შეტანა.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე – 18

წინააღმდეგი – არცერთი.

გადაწყვეტის: დამტკიცდეს განკარგულების პროექტი „ვანის მუნიციპალიტეტში სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 2024 წლის 14 თებერვლის გ-65.65240452 განკარგულებაში ცვლილების შეტანის შესახებ;

განკარგულება N გ-65.6524136001

მოისმინეს:

დღის წესრიგით გათვალისწინებულ მეორე საკითხთან დაკავშირებით მომხსენებელმა გელა ჩიკვაიძემ წარმოადგინა განკარგულების პროექტი „ ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, უფლებამოსილების განხორციელებასთან დაკავშირებული ხარჯების ანაზღაურების შესახებ;

მომხსენებელმა აღნიშნა, რომ ვანის მუნიციპალიტეტის საკრებულოს 2021 წლის 29 დეკემბრის N27 დადგენილების შესაბამისად და ვანის მუნიციპალიტეტის საკრებულოს აპარატის უფროსის 2024 წლის 01 მაისის N65-65241228 მოხსენებითი ბარათის საფუძველზე ვანის მუნიციპალიტეტის საკრებულოს წევრ არათანამდებობის პირებს ხარჯების ანაზღაურებისთვის ჩაერიცხოთ თითოეულს 817 (რვაასჩვიდმეტი) ლარი, რაც ჯამში შეადგენს 8170 (რვაათასასამოცდაათ) ლარს.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე – 18

წინააღმდეგი – არცერთი.

გადაწყვეტის: დამტკიცდეს განკარგულების პროექტი „ ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, უფლებამოსილების განხორციელებასთან დაკავშირებული ხარჯების ანაზღაურების შესახებ; განკარგულება N გ-65.65241362

დღის წესრიგით გათვალისწინებული საკითხების განხილვის შემდეგ საკრებულოს რიგითმა სხდომამ მუშაობა დაამთავრა.